



閨媛典第十七卷

閨媛總部藝文十四

詞

思越人

後蜀鹿虔扈

翠屏欹銀燭背漏殘清夜迢迢雙帶繡窠盤錦薦淚侵花暗香銷  
珊瑚枕膩鴉鬟亂玉纖慵整雲散若是適來新夢見離腸爭不干斷

虞美人

前人

卷荷香澹浮煙渚綠嫩擎新雨鎖牕疎透曉風清象牀珍簟冷光輕水紋平  
九疑黛色屏斜掩枕上眉心斂不堪相望病將成鈿昏檀粉淚縱橫不勝情

臨江仙

前人

無賴鶯聲鶯夢斷起來殘酒初醒映牕絲柳嫋煙青翠簾慵卷約砌杏花零  
一自玉郎遊冶去連月月慘儀形暮天微雨灑閑亭手按初帶無語倚雲屏

訴衷情五首

魏承班

高歌宴罷月初盈詩情引恨情煙露冷水流輕思想夢難成  
羅帳嫋香平恨頻生思君無計睡還

醒隔層城  
春深花簇小樓臺風飄錦繡開新睡覺步香階山枕印紅顚  
鬢亂墜金釵語檀恨

臨行執手重重屬幾千回  
銀漢雲情玉漏長蛩聲悄畫堂筠簟冷碧牕涼紅蠟淚飄香  
皓月

瀉寒光割人腸那堪獨自步池塘對鴛鴦  
金風輕透碧牕紗銀缸燄影斜欹枕臥恨何賒山掩

小屏霞  
雲雨別吳娃想容華夢成幾度遠天涯到君家  
春情滿眼臉紅消嬌妒索人饒星靨

小玉璫搖幾共醉春朝  
別後憶纖腰夢魂勞如今風葉又蕭蕭恨迢迢

生查子二首

前人

寂寞畫堂空深夜睡羅幕燈暗錦屏欹月冷珠簾薄  
愁恨夢難成何處貪歡樂看看又春來還是

長蕭索  
離別又經年獨對芳菲景嫁得薄情夫長抱相思病  
花紅柳綠間晴空蝶舞雙雙影

羞看繡羅衣爲有金鸞並

菩薩蠻三首

前人

羅裙薄薄秋波染眉間畫得三兩點相見綺筵時深情暗共知  
翠翹雲鬢動斂態彈金鳳宴罷入

蘭房邀人解佩璫

羅衣隱約金泥畫  
瑋筵一曲當秋夜  
聲顫覩人嬌  
雲鬟嫋翠翹  
酒醺紅玉

輭眉翠秋山遠  
繡幌麝煙沈  
誰人知兩心

玉容光照菱花影  
沈沈臉上秋波冷  
白雪一聲新雕

梁起暗塵  
寶釵搖翡翠  
香惹芙蓉醉  
攜手入鴛衾  
誰人知此心

漁歌子

前人

柳如眉  
雲似髮  
鮫綃霧縠籠香雪  
夢魂驚  
鐘漏歇  
牕外曉鶯殘月  
幾多情  
無處說  
落花飛絮清明節  
少年郎容易別  
一去音書斷絕

滿宮花二首

前人

雪霏霏  
風凜凜  
玉郎何處狂飲醉  
時想得  
縱風流  
羅帳香幃鴛鴦  
春朝秋夜思君甚  
愁見繡屏孤枕  
少年何事負初心  
淚滴縷金雙袵  
寒夜長  
更漏永  
愁見透簾月影  
王孫何處不歸來  
應在倡樓酩酊  
金鴨無香羅帳冷  
羞更雙鸞交頸  
夢中幾度見兒夫  
不忍罵伊薄倖

謁金門三首

前人

煙水闊  
人值清明時節  
雨細花零鶯語切  
愁腸千萬結  
鴈去音微斷  
絕有恨欲憑誰說  
無事傷心

猶不徹春時容易別

春欲半堆砌落花千片早是潘郎長不見忍聽雙語燕飛絮晴空颺遠

風送誰家絃管愁倚畫屏凡事嬾淚霑金縷線

長思憶思憶佳人輕擲霜月透簾澄夜色小屏

山凝碧

恨恨君何太極記得嬌嬌無力獨坐思量愁似織斷腸煙水隔

木蘭花

前人

小芙蓉香旖旎碧玉堂深清似水閉寶匣掩金鋪倚屏拖袖愁如醉遲遲好景煙花媚曲渚鴛鴦眠錦翅凝然愁望靜相思一雙笑靨嚬香藥

玉樓春二首

前人

寂寂畫堂梁上燕高捲翠簾橫數扇一庭春色惱人來滿地落花紅幾片愁倚錦屏低雪面淚滴繡羅金縷線好天涼夜盡傷心爲是玉郎長不見輕斂翠蛾呈皓齒鶯囀一枝花影裏聲聲清迴過行雲寂寂畫梁塵暗起玉壘滿斟情未已促坐王孫公子醉春風筵上貫珠勻艷色韶顏嬌旖旎

江城子

尹鷲

裙拖碧步飄香纖纖束素長鬢雲光拂面瓏璫膩玉碎凝妝寶柱秦箏彈向晚弦促鴈更思量

杏園芳

前人

巖妝嫩臉花明教人見了關情含羞舉步越羅輕稱娉婷  
終朝咫尺窺香閣迢遙似隔層城何時  
休遣夢相縈入雲屏

清平樂

前人

偎紅歛翠盡日思閑事髻滑鳳皇釵欲墜雨打梨花滿地  
繡衣獨倚闌干玉容似怯春寒應待少  
年公子鴛幃深處同歡

撥櫂子二首

前人

風切切深秋月十朶芙蓉繖艷歇憑小檻細腰無力空贏得目斷魂飛何處說  
寸心恰似丁香結  
看看瘦盡胸前雪偏挂恨少年拋擲羞覩見繡被堆紅閑不徹  
丹臉膩雙靨媚冠子縷金裝翡翠  
翠將一朶瓊花堪比窠窠繡鸞鳳衣裳香零地  
銀臺蠟燭滴紅淚醪酒勸人教半醉簾幕外月華  
如水特地向寶帳顛狂不肯睡

前人

古今圖書集成  
三秋佳節宵晴空凝碎露葉萬千結菊蕊和煙輕撚酒浮金屑微雲雨調絲竹此時難輟歡極一片  
艷歌聲揭 黃昏慵別炷沈煙熏繡被翠幃同歇醉並鴛鴦雙枕煖偎春雪語丁寧情委曲論心正  
切夜深窗透數條斜月

定西番

毛熙震

蒼翠濃陰滿院鶯對語蝶交飛戲薔薇 斜月倚闌風好餘香出繡衣未得玉郎消息幾時歸

何滿子

前人

無語殘妝澹薄含羞彈袂輕盈幾度香闌眠過曉綺牕疎日微明雲母帳中偷惜水精枕上初驚  
笑靨嫩疑花折愁眉翠斂山橫相望只教添悵恨整鬟時見纖瓊獨倚朱扉閑立誰知別有深情

女冠子

前人

碧桃紅杏遲日媚籠光影綵霞深香暖熏鶯語風清引鶴音 翠鬟冠玉葉霓袖捧瑤琴應共吹簫  
侶暗相尋 修蛾慢臉不語檀心一點小山妝蟬鬢低含綠羅衣澹拂黃 閑來深院裏閒步落  
花旁纖手輕輕整玉爐香

酒泉子二首

前人

閑臥繡幃慵想萬般情  
寵錦檀偏翹股重翠雲歛  
暮天屏上春山碧  
映香煙霧隔蕙蘭心魂夢役  
歛蛾眉  
鈿匣舞鸞隱映艷紅修碧月  
梳斜雲鬢膩粉香寒  
曉花微歛輕呵展  
嬾釵金燕軟日初升  
簾半卷對妝殘

浣溪紗五首

前人

晚起紅房醉欲消  
綠鬟雲散嬾金翹  
雪香花語不勝嬌  
好是向人柔弱處  
玉纖時急繡裙腰  
春心牽惹轉無憀  
一隻橫釵墜髻叢  
靜眠珍簾起來慵  
繡羅紅嫩抹酥胸  
羞歛細蛾魂暗斷  
昏迷無語思猶濃  
小屏香靄碧山重  
雲薄羅裙綬帶長  
滿身新裏瑞龍香  
翠鈿斜映艷梅妝  
伴不覩人空婉約笑  
和嬌語太猖狂  
忍教牽恨暗形相  
碧玉冠輕嬾燕釵  
捧心無語步香階  
緩緩移弓底繡羅鞋  
暗想歡娛何計好  
豈堪期約有時乖  
日高深院正忘懷  
半醉凝情臥繡茵  
睡容無力卸羅裙  
玉籠鸚鵡厭聽聞  
慵整落釵金  
翡翠象梳歛  
鬢月生雲錦屏綃  
幌麝煙熏

後庭花二首

前人

輕盈舞伎含芳艷競妝新  
臉步搖珠翠修蛾歛膩鬟雲染  
歌聲慢發開檀點繡衫斜掩時將纖手  
勻紅臉笑拈金鬢  
越羅小袖新香舊薄籠金釧倚闌無語搖輕扇半遮勻面  
春殘日暝鶯嬌  
嬾滿庭花片爭不教人長相見  
畫堂深院

菩薩蠻二首

前人

梨花滿院飄香雪  
高樓夜靜風箏咽  
斜月照簾帷憶君和夢稀  
小牕燈影背燕語驚愁態  
屏掩樹香飛行雲山外歸  
天含殘碧融春色  
五陵薄倖無消息  
盡日掩朱門離愁暗斷魂  
鶯啼芳斷  
暝燕拂回塘滿寂寞對屏山相思醉夢間

更漏子

前人

煙月寒秋夜靜漏轉金壺初永  
羅幕下繡屏空燈花結碎紅  
人悄悄愁無了思夢不成難曉  
長憶得與郎期竊香私語時

南歌子二首

前人

遠山愁黛碧橫波  
慢臉明膩香紅玉  
茜羅輕深院晚堂人靜理銀箏  
鬢動行雲影  
羣遮點屐聲嬌

羞愛問曲中名楊柳杏花時節幾多情

惹恨還添恨牽腸卽斷腸凝情不語一枝芳獨映畫簾

閒立繡衣香 暗想爲雲女應憐傳粉郎晚來輕步出閨房  
髻慢釵橫無力縱猖狂

木蘭花

前人

掩朱扉鉤翠箔滿院鶯聲春寂寞勻粉淚恨檀郎一去不歸花又落  
對斜暉臨小閣前事豈堪重  
想著金帶冷畫屏幽寶帳慵熏蘭麝薄

小重山

前人

梁燕雙飛畫閣前寂寥多少恨嬾孤眠曉來閒處想君憐紅羅帳金鴨冷沈煙  
誰信損嬋娟倚屏  
啼玉筋溼香鈿四肢無力上鞦韆羣花謝愁對艷陽天

南鄉子三首

李珣

攏雲髻背犀梳焦紅衫映綠羅裙越王臺下春風暖花盈岸遊賞每邀鄰女伴  
雲髻重葛衣輕

見人微笑亦多情拾翠採珠能幾許來還去爭及村居織機女  
雙髻墜小肩鬢笑隨女伴下春

山玉纖遙指花深處爭回顧孔雀雙雙迎日舞

西溪子

前人

金縷翠鈿浮動妝罷小牕圓夢日高時春已老人來到滿地落花慵掃無語倚屏風泣殘紅  
馬  
上見時如夢認得臉波相送柳堤長無限意夕陽裏醉把金鞭欲墜歸去想嬌嬌暗魂消

中興樂

前人

後庭寂寂日初長翩翩蝶舞紅芳繡簾垂地金鴨無香誰知春思如狂憶蕭郎等閒一去程遙信斷  
五嶺三湘  
休開鸞鏡學宮妝可能更理笙簧倚屏凝睇淚落成行手尋帶帶鴛鴦暗思量忍孤前  
約教人花貌虛老風光

浣溪紗二首

前人

入夏偏宜澹薄妝越羅衣褪鬱金黃翠鈿檀注助容光  
相見無言還有恨幾回判却又思量月牕  
香徑夢悠揚  
晚出閒庭看海棠風流學得內家妝小釵紅戴一枝芳  
鏤玉梳斜雲鬢縷金  
衣透雪肌香暗思何事立殘陽

望遠行二首

前人

春日遲遲思寂寥行客關山路遙瓊牕時聽語鶯嬌柳絲牽恨一條條  
休暈繡罷吹簫貌逐殘花  
暗凋同心猶結舊裙腰忍孤風月度良宵  
露滴幽庭落葉時愁聚蕭娘柳眉玉郎一去負佳期

水雲迢遞鴈書遲  
屏半掩枕斜欹蠟淚無言對垂吟蛩斷續漏頻移入牕明月鑒空幃

虞美人

前人

金籠鶯報天將曙驚起分飛處夜來潛與玉郎期多情不覺酒醒遲失歸期  
映花避月遙相送膩  
髻偏垂鳳却回嬌步入香閨倚屏無語撚雲篴翠眉低

臨江仙二首

前人

簾捲池心小閣虛暫涼閒步徐徐菱荷經雨半凋疎拂堤垂柳蟬噪夕陽餘  
不語低鬟幽思遠玉  
釵斜墜雙魚幾回偷看寄來書離情別恨相隔欲何如  
鶯報簾前暖日橫玉爐殘麝猶濃起來  
閨思尙疎慵引愁春夢誰解此情悰  
彊整嬌姿臨寶鏡小池一朵芙蓉舊歡無處再尋蹤更堪回  
顧屏畫九疑峯

春光好

歐陽炯

垂繡幔掩雲屏思盈盈雙枕珊瑚無限情翠釵橫  
幾見纖纖動處時聞款款嬌聲却出錦屏妝面  
了理秦箏

西江月

前人

水上鴛鴦比翼巧將繡作羅衣鏡中重畫遠山眉春睡起來無力  
細雀穩簪雲髻含羞時想佳期  
臉邊紅艷對花枝猶占鳳樓春色

赤棗子

前人

夜悄悄燭熒熒金爐香盡酒初醒春睡起來回雪面含羞不語倚雲屏

女冠子

前人

薄妝桃臉滿面縱橫花靨艷情多綬帶盤金縷輕裙透碧羅  
含羞眉作斂微語笑相和不會頻偷  
眼意如何

定風波

前人

暖日閒牕映碧紗小池春水浸晴霞數樹海棠紅欲盡爭忍玉闌深掩過年華  
獨凭繡牀方寸亂

腸斷淚珠穿破臉邊花鄰舍女郎相借問音信教人羞道未還家

木蘭花

前人

兒家夫婿容易身又不來書不寄閒庭獨立鳥關關爭奈拋奴深院裏  
悶向綠紗牕下睡睡又不成愁已至今年却憶去年春同在木蘭花下醉

春早玉樓煙雨夜簾外櫻桃花半謝錦屏香冷繡衾寒悵悵憶君無計舍  
侵曉鵲聲來砌下鸞鏡殘妝紅粉罷黛蛾雙點不成描留待玉郎歸日畫

菩薩蠻四首

前人

曉來中酒和春睡四肢無力雲鬢墜斜臥臉波春玉郎休惱人  
日高猶未起爲戀鴛鴦被鸚鵡語金籠道兒還是慵紅爐煖閣佳人睡隔簾飛雪添寒氣  
小院奏笙歌香風簇綺羅酒傾金酸滿蘭燭重開宴公子醉如泥天街聞馬嘶  
翠眉雙臉新妝薄幽閨斜捲青羅幙寒食百花時紅繁香滿枝  
雙雙梁燕語蝶舞相隨去腸斷正思君閒眠冷繡茵畫屏繡閣三秋雨香脣膩臉  
偎人語語罷欲天明嬌多夢不成曉街鐘鼓絕嗔道如今別特地氣長吁倚屏彈淚珠

浣溪紗三首

前人

落絮殘鶯半日天  
玉柔花醉只思眠  
惹牕映竹滿爐煙  
獨掩畫屏愁不語  
斜欹瑤枕鬢偏  
此時心在阿誰邊  
天碧羅衣拂地垂  
美人初著更相宜  
宛風如舞透香肌  
獨坐含嚙吹鳳竹  
園中緩步折花枝  
有情無力泥人時  
相見休言有淚珠  
酒闌重得敘歡娛  
鳳屏鴛枕宿金鋪  
蘭麝細香聞喘息  
綺羅纖縷見肌膚  
此時還恨薄情無

賀聖朝二首

前人

憶昔花間初識面  
紅袖半遮妝  
臉輕轉石榴裙帶  
故將纖纖玉指  
偷撚雙鳳金線  
碧梧桐鎖深深  
院誰料得兩情何日  
教纏繾  
羨春來雙燕飛到玉樓  
朝暮相見  
憶昔花間相見後  
只憑纖手暗拋紅豆  
人前不解巧傳心事  
別來依舊孤負春晝  
碧羅衣上感金繡  
覩對對鴛鴦空裛淚  
痕透想韶顏非久  
終是爲伊只憑消瘦

鳳樓春

前人

鳳髻綠雲叢  
深掩房櫺錦書通  
夢中想見覺來慵  
勻面淚臉珠融  
因想玉郎何處去  
對淑景誰同

小樓中春思無窮倚闌凝望闌牽愁緒柳花飛起東風斜日照簾羅幌香冷粉屏空海棠零落鶯語殘紅

虞美人二首

閨選

粉融紅膩蓮房綻臉動雙波慢小魚銜玉鬢釵橫石榴裙染象紗輕轉娉婷偷期錦浪荷深處一夢雲兼雨臂留檀印齒痕香深秋不寐漏初長儘思量楚腰蟬領團香玉鬢疊深深綠月蛾星眼笑微嚬柳天桃艷不勝春晚妝勻水紋簾映青紗帳霧罩秋波上一枝嬌臥醉芙蓉良宵不得與君同恨忡忡

浣溪紗

前人

寂寞流蘇冷繡茵倚屏山枕惹香塵小庭花露泣濃春劉阮信非仙洞客嫦娥終是月中人此生無路訪東鄰

八拍蠻

前人

雲鎖嫩黃煙柳細風吹紅蒂雪梅殘光影不勝闌閣恨行行坐坐黛眉攢

愁鎖黛眉煙易慘淚飄紅臉粉難勻憔悴不知緣底事遇人誰道不宜春

浣溪紗八首

孫光憲

花漸凋疎不耐風  
畫簾垂地晚堂空  
墮堦縈蘚舞愁紅  
膩粉半黏金罍子  
殘香猶暖繡薰籠  
蕙心無處與人同  
攬鏡無言淚欲流  
凝情半日嬾梳頭  
一庭疎雨溼春愁  
楊柳祇知傷怨別  
杏花應信損嬌羞  
淚霑魂斷軫離憂  
半踏長裙宛約行  
晚簾疎處見分明  
此時堪恨昧平生  
早是銷魂殘燭影  
更愁聞著品弦聲  
杳無消息若爲情  
蘭沐初休曲檻前  
暖風遲日洗頭天  
溼雲新斂未梳蟬  
翠被半將遮粉臆  
寶釵長欲墜香肩  
此時模樣不禁憐  
何事相逢不展眉  
苦將情分惡猜疑  
眼前行止想應知  
半恨半嗔回面處  
和嬌和淚泥人時  
萬般饒得爲憐伊  
靜想離愁暗淚零  
欲棲雲雨計難成  
少年多是薄情人  
萬種保持圖永遠  
一般模樣負神明  
到頭何處問平生  
葉墜空階折早秋  
細煙輕霧鎖妝樓  
寸心雙淚慘嬌羞  
風月但牽魂夢苦  
歲華偏感別離愁  
恨和相憶兩難酬  
自入春來月夜稀  
今宵蟾彩倍凝輝  
強開襟抱出簾帷  
嚙指暗思花下約  
凭闌羞覩淚痕衣  
薄情狂蕩幾時歸